

Euskarazko lehen hiztegitxoa lapurtu dute Galizian

CODIX CALIXTINUS lapurtu dute Santiagon, Done Jakueren katedralaren artxibategitik. Kodize hori bost liburuk eta bi gehigarrik osatzen dute eta XII. mendekoa da. Liburu horietako bat Aymeric Picaudek idatzia dela esaten da. Picaudek Done Jakue bidea egin zuen eta hiztegitxoa idatzi zuen euskarazko lehen hiztegitxoa jasotzen da Codex Calixtinus horretan, baina euskarazko lehen agerpena emilianotar glosetan dago.

Filmen erdiak katalanera itzuliko dituzte

KATALUNIAKO LEGEDIAK hala zioen, zinema aretoetan eskainiko ziren pelikulen erdiek katalanera bikoiztuta edo azpigitulatu egin beharko zuten lau urteko epean. Zinema industriako handi-mandiek orde, Hollywoodeko estudio handiek eta multinazionalak, araua ez zutela beteko adierazi zuten. Otsailan adibidez, egun batez zinema aretoen %75a itxi zuten protesta gisa. Bada, multinazionalak eta CIU-ren Gobernuak ados jartzea lortu dute, eta beraz, aurki hasiko dira

pelikulak katalanez azpigitulatu edo bikoiztuta eskaintzen. Datozen lau urteetan filmen erdia bikoiztu beharko litzatekes. Gaur egun %3ra ez da heltzen bikoiztutako pelikulen kopurua. Plataforma per la llengua elkarteak urte luzez borrokatu du zinema aretoetan pelikulak katalanez ikusteko eskubidearen alde eta arduradunek pozik hartu dute albiste. Dena den, nabarmendu dute ez dela ahaztu behar orain arte katalanak jasan duen diskriminazioa eta lehenbailehen lanean hasia eskatu diete eragileei.

BAHEA

Robert Scarciak esanak www.gipuzkoaeuskara.net/webgunea: “Suedian burutu duten azken azterketa batek dioenez, enpresen hizkuntza-politiken eta esportazioetan duten arrakastaren artean kausa-efektu harremana dago. Negozio-sektore berberetan lan egiten duten enpresa suediar, alemaniar eta frantsesengan jartzen badugu arreta, aipatu azterketak adierazten du hainbat hizkuntza hitz egiteko gai diren langileengan inbertsioa egin duten enpresa alemaniarrek, negozioen komunikaziorako giltzarri bakar gisa ingelesa hartu duten enpresa suediarrek baino emaitza hobekak lortu dituztela. (...)

Brasiliako Confucio Institutuan txinera ikasten ari den ikasle kopurua ia bikoiztu egin da 2011n. Datua esanguratsua da, Brasilgo hiriburuan Txinako gobernuak finantzatzen duen Institutuak 2010eko martxoan ireki baitzituen ateak. Brasil eta Txinaren arteko harremanak areagotu diren heinean, Txinarekin lan egiteko mandarina ikasi nahi duten negozio-pertsonen eta ikasle kopuruak gora egin du. Beste era batera esanda, garapen bidean dagoen potentzia hegoamerikararen gero eta negozio mota gehiagok erraldoi asiarrereko bazkideekin komunikatzeko ingelesa erabiliko duenaren ideia okerra zen”.



Honelako albisteak egunero irakurtzeko, jaso hari@DOAN e-postaz: www.argia.com/harpidetza_haria.php

TALAIAN

Erreforma fiskala

Azken egunetan hainbat adierazpen entzun dira bankari eta enpresari handiei ezarri beharreko zerga bereziaz, EAerako erreforma fiskalaz eta ondarearen gaineko zerga berrezartzeaz. Krisia, orain arte, langileek, pentsionistek eta herri sektoreek soilik ordaindu dutela diote. PSOEek Madrilen eta EAEn dituen gobernuetako buruzagiek egin dituzte gisa horretako zenbait adierazpen. Beraiek, “merkatuek” agintzen dutena bete dute orain arte, hau da, nazioarteko banka handiak agintzen duena, eta euren interesak bermatzeko herritarren bizkar gainean jarri dituzte murrizketa sozial eta ekonomikoak. Ongi etorriak izan bitez adierazpen horiek, baldin eta euren politika sozial eta ekonomikoa zuzentzeko balio badute. Baina beldur gara, adierazpenok ez ote diren izango hauteskunde grinaren ondorioa baizik, PP egiten ari den aurrerakada itzulezinari erantzuteko modu bat.

Bitartean, Burtsara ateratzen ari diren aurrezki kutxek, euren arduradunentzat soldata milioidunak gordetzen dituzte. Rodrigo Rato NDFko gerentzuzendariorde izandakoak eta ministro ohiak presiditzen duen Bankia-ko hiru exekutibo gorenek, guztira 10,1 milioi euro kobratuko dute soldatetan. Gainera, kontseilari izateagatik ere kobratuko dute: 196.000 euro Ratok, 156.000 euro Olivak eta 36.000 euro Verduk. Era berean, batzarretako partaide izateagatik dietak kobratuko dituzte eta beste 1,26 milioi euro gorde dituzte pentsio planentzako. Zenbat kobratuko dute KutxaBank berriaren buruzagiek? Bilbon sortutako bi enpresen adibidea dugu: BBVAko presidentek urtean 6 milioi euro kobratzen ditu eta 80 milioi euroko pentsioa jasotzeko eskubidea du. Iberdrolako presidentek 2010ean 12 milioi euro jaso zituen!

Testuinguru honetan, espero izatekoa da Bilduk erreforma fiskal aurrerakoi baten alde hartutako konpromisoa burutzea, ahal duen tokietan bederen, gehien irabazten dutenei karga fiskal handiagoa ezarri eta iruzur fiskalaren eta ezkutuko ekonomiarren kontra borrokatuz.

Juan Mari Arregi